


LINTHO TSE NENG

LI SE JOALO HO

TLOHA TŠIMOLOHONG

 . . . mehleng ea Hae, ho ruta lintho tse seng joalo. Kea kholoa ha A ka tla kajeno, O ne a tla fumana ntho e tšoanang: lintho tse neng li se joalo ho tloha tšimolohong. Ha u batla ho tseba 'nete kamehla, khutlela tšimolohong. Khutlela ho Genese, 'me u ka nka mokha o mong le o mong le oa 'nete ho tloha kajeno. Feela . . . Limela tsohle li qalile Genese, hobane Genese ke khaolo ea peō ea Bibe. 'Me ha re batla ho tseba se lokileng, khutlela morao tšimolohong.

² Joalokaha ke ne ke leka ho bua maobane bosiu, hang ha Molimo o hlahisa polelo, O ke ke oa fapoha polelo eo. O tlameha ho e boloka ka hohle. Seo A se buileng ho Genese ke ntho e tšoanang ho Tšenolo, le ho haola joalo. Ke Molimo, 'me ke phetho. Ua bona? 'Me Mantsoe a Hae ohle ke 'nete.

³ Joale, re fumana mohla Jesu a tšileng, A fumana baruti ba neng ba nkile Lentsoe la Molimo 'me ba Le khopamisitse ka hare, ho lumellana le bona. Ba ne ba nkile melao ea Molimo 'me ba E khopamiselitse tumeloaneng.

⁴ Joale, hopolang, 'Mopi o mong feela, 'me tsohle . . . Satane ha se 'mopi. *Sebe* ke eng? *Sebe* ke “bokhopo,” 'me bokhopo ke “ho loka ho khopamisitsoeng.”

⁵ Mohlomong ke tla e hlakisa haholoanyane. Ke bona . . . Le phutheho e tsoakaneng. U mamele ngaka ea hau; 'na ke moena oa hau. Hore monna a phele le mosali oa hae ke ho loka. O mo nyetse. Ketso e tšoanang le mosali e mong ke lefu. E 'ngoe e hlahisa bophelo, e 'ngoe ke lefu. Le a bona? *Bokhopo* ke “ho loka ho khopamisitsoeng.” *Leshano* ke eng? Ke “'nete e tolokiloeng ka phoso.”

⁶ Ke seo Jesu a se fumaneng. 'Me ke seo rona bohle re tla kena ho sona, ha feela re nka 'me re eketsa, kapa ho fokotsa Lentsoe la Molimo, ke ho khopamisa Lentsoe la Molimo.

⁷ Ka hona eitse ha Jesu a fihla, A ba fumana ba nkile Lentsoe la Molimo 'me ba Le khopamisa, 'me ba bopa moetlo oa motho. 'Me O itse, “Hobane'ng lona ka moetl- . . . fetola Lentsoe la Molimo?” Ka ho nka meetlo ea bona, le ho fetola Lentsoe la Molimo, ho Le buisa seo Le sa se buang ruri.

⁸ Re Mo fumana a fumane hoo letsatsing la Hae, 'me O tla e fumana mona kajeno. 'Me Eena, ka pel'a Sefahleho, kapa, ka Botho ba Moea o Halalelang, 'ona Molimo esale o le teng, a ahile kahara batho ba Hae ka sebopeho sa Moea o Halalelang, e paka ka molumeli oa mannete, monna eo o khopamisa Lentsoe la Molimo ho nyallana le tumeloana ea bona, sebakeng sa ho fetolela tumeloana ea bona ho khema le Lentsoe la Molimo.

⁹ Ke batla motho ea ka fumanang Tumelo ea Baapostola ka Bibeleng, kamoo re ka e buang kajeno, "Ke lumela kereke e Halalelang ea Roma e Katolike, kopano ea bahalaleli." Ntho efe feela e buisanang le bafu ke boupelli. "Moemeli o mong feela lipakeng tsa Molimo le batho, Monna eo Krete Jesu." Ke phetho. Ha ho moemeli e mong. Ka baka leo ntho efe. . . Ba khopamisa lintho, ba etsa Tumelo ea Baapostola.

¹⁰ Haeba moapostola a bile le tumeloana, e ne e le Liketso 2:38. A—a ena le. . . ke seo ba se rerileng ba sa phetse 'me—'me ba e tulela ka ho batho. Ba tsoanela ho baka nqa Molimo le joalo-joalo. Ke ho re, haeba ho e-na le tumelo ka Bibeleng, e tla be e le eona, eo baapostola ba e sebelisitseng.

¹¹ Kahoo ba. . . liketellopele tsohle tsa bona tsa Moea o Halalelang li ne li khema le Lentsoe. 'Me ekare ha motho, kapa lengeloi, a bua letho khahlano le Lentsoe, Bagalata 1:8 e itse, "A ke a rohakoe." E tsoanetse e be Lentsoe la Molimo.

¹² Pauluse o itse, "Ekare ha lengeloi le tsoang Leholimōng le tla ho lōna ka evangeli esele ho eo le seng le e utloile, a neeloe anathema." Ka hona re lumela maholimō le lefatše li tla feta, empa Lentsoe la Molimo le ke ke la feta, hobane Lentsoe ke Molimo. Molimo a ke ke a feta. Tlhaho e tla feta, empa Molimo a ke ke a feta.

¹³ Ha se sebaka sa metlae, sefala ha se sebaka sa metlae. Ke nahana hore Lentsoe la Molimo le lokela ho boleloa ho tsoa mona ka tlhomphe ea—ea pelo, 'me re lokela ho e hopola. Empa ho rialo feela, ho etsa ntlha ena, motho oa khale e motšo, mona nqa e 'ngoe Boroa, o kile a e hlahisa polelo, ho re, "A ka mpa a ema Lentsoeng la Molimo sebakeng sa ho ema Leholimōng." Ba 'motsa lebaka. A re, "Hobane Leholimo le lefatše li tla feta, empa Lentsoe la Molimo le ke ke la feta." Ke hantle. Re tlameha ho tiisetša Lentsoe.

¹⁴ Jesu, mohla A tlleng, O itse, "Moshe ka lebaka la bothata ba pelo tsa lona o le lumeletse ho hlala mosali oa hao: empa tšimolohong ho no ho se joalo." Joale, re ba fihlela ba nkile melao ea Molimo 'me ba e fetotse ntho e se nang matla.

¹⁵ Mohla Jesu a neng a fihla, O fumane batho ba shebile kereke ho ba pholosa. Ba ile ba fumana'ng? Litumeloana; bolumeli ka bong bo rala tumeloana ea bona. 'Me ke sona seo A fumaneng batho ba ne ba itšepisitse ka kereke bakeng sa pholoso; 'me ba fumane litumeloana tse entsoeng ke motho.

16 'Me ha A ka tla kajeno ka Sequ le ho buisana le rōna, O tla fumana hona hoo: motho ea etsang hore Lentsoe la Molimo le lekane bolumeli ba bona, ho ba fa litumeloana. 'Me ha ho pholoso ka tumeloana, haeba e se Bibe. E loketse ho ba Bibe, hoba Lentsoe la Hae ke . . . sohle seo re se hlokang, ke Lentsoe la Hae. 'Me Lentsoe la Hae, ha E le Lentsoe, Lentsoe la Molimo ke Molimo. Ke phetho. Ke Lentsoe la Hae, ka Sebele. O a . . . "Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo." 'Me Lentsoe e sa ntse e le Molimo. E sa ntse e le Molimo.

17 Joale, re fumana mohla A tlileng, A fumana batho, ke hona, ba nka melao ea Molimo 'me ba e etsa ntho e se nang matla, ka ho nka melao ea Molimo, le ho e betlela litumeloana tsa bona, e ne e se na matla. 'Me kereke ea sheba . . . Batho ba ne ba shebile kereke sebakeng sa ho sheba Lentsoe la Molimo. Ka baka leo, O itse, "Tšimolohong ho ne ho se joalo."

18 Re e fumana e tšoana kajeno, joaloka ha ke qotsitse habeli kapa hararo hoseng hona, 'me ke shebile tshupanako eo, e a mpherekanya, ka hona ke—ke batla ho bua sena leha ho le joalo, hore, "Sena ke 'nete." Hape letsatsing leo joaloka hona joale, 'me joale joaloka mohlang oo, ba hooelets, "Molimo o kae?"

19 Be, eona ntho, eo, ba tlohetse Molimo ha ba tlohela Lentsoe la Hae. Lebaka leo re fumanang lintho tseo re li etsang kajeno, ke hobane batho ba tlohetse Lentsoe la Molimo.

20 Haeba ngaka e ngotse foromo, lengolo la ngaka, 'me u ekelitse ho hong ho eona, kapa oa tlosa se seng ho eona, o ne o tla bolaea mokuli oa hau. Ke hantle. U tlameha ho e baballa feela kamoo e ngotsoeng kateng. Pheko e lekaneng e kentsoe ho thethefatsa chefo, chefo e lekaneng ho bolaea kokoana-hloko. 'Me chefo e ngata teng ho se sehlare e ka bolaea mokuli; 'me—'me sehlare se se ngata ho se chefu, se ne se tla etsa'ng? E ke ke ea thusa mokuli oa hau. Kahoo u tlameha ho e boloka e lokile.

21 'Me ke kamoo Lentsoe la Molimo le leng kateng. Ke Taelo ea Molimo. E, moena. Ke Taelo ea Molimo ho batho ba Hae ho phekola lefu ka leng, boloetse ka bong. Sebe le nama, e ka bang eng, ntho eohle e phethisoa Lentsoeng la Molimo. Amen. Ke Lentsoe la Molimo. Tšimolohong ho no ho le joalo; Le joalo mongoaheng o hare; Le eba joalo mongoaheng o mong le o mong; 'me Le tjena hoseng hona, joaloka ha A Le buile, hoba Le ke ke la fapoha le ka lethebana le le leng, hobane Ke Lentsoe la Molimo.

22 Joale batho kajeno, ha ho makatse ha ba hooa: "Matsatsi a mehlolo a fetile. Ha ho ntho e kang pholiso ea Khalalelo." Hobaneng ba e etsa? Hobane ba nkile Lentsoe la Molimo 'me ba e thathetse ka tumeloana ea bona, 'me ba tsoakile ntho e phoso. 'Me ha ba na matla ka mono. Ekare ha lengeloi, bishopo, arekabishopo, kapa seo e ka bang sona, le tla le fetole Lentsoe le

le leng, e tla fetola Motsoako ohle. Ha re luleng hantle le seo E se buileng. Seo Molimo o se buileng, ha re Le tloheleng le le joalo.

²³ Likereke li felile kajeno. Ba ferekane kae-kae, ba etsa mekhatlo, ba etsa likereke, ho tliša batho ho latela litumeloana ho ena le ho latela Krešte. Ha ke batle tumeloana ea letho haese Krešte, ha ho molao haese lerato, 'me ha ho buka haese Bibeše. Ke hantle seo re se fumanang: Eo ke Tumelo ea Molimo, Ke Motsoako oa Molimo. Ke Pheko ea Molimo ea sebe. Ke Pheko ea Molimo ea pholiso ea rona, 'me Ke—Ke matla a Molimo a bonahatsoang ho rona, re sa nka Lentsoe maphelong a rona.

²⁴ Joale, re ba fumana ba arabela, ba hooeletsā, “Molimo oa Moshe o kae?” Lebaka leo Moshe a tiiselitseng Molimo le lintho tse neng li le teng, Molimo o ne o setse taelo ea Moshe morao, Moshe o ne a setse Lentsoe la Molimo morao. Kamoo Petrose, Jakobo, le Johanne ba neng ba otlā botsekeng nako le nako, hobane ba—ba ile ba sala Lentsoe morao.

²⁵ Nakoana e fetileng mona. . . Mang le mang o ntseba ke rata tekele, le ho thunya, le joalo-joalo. 'Me ke nkile Motlolo oa 70 Winchester o monyenyanane. Ka ema kantle, lijareteng tse mashome a mahlano, lebaleng la tekele, ka totometsa likulo tse robeli lesobeng le le leng, lijareteng tse mashome a mahlano. 'Me ea fapoha hanyenyane, kulo. U tlameha ho se hena-hena le ho se khotla. 'Me ke rata ho etsa hoo, e batla e kokobetsa methapo ea ka. 'Me eaba se a fapoha. Ke sa khone ho se cheha. Ka hopola hoba se hloka ho aletsoa bocha.

²⁶ Ka se romela Winchester Company. Ba romela, 'me ba re, “Oh, Moena Branham, kapa, Mongh. Branham,” ba itse, “haeba. . . Winchester eo ke e 'ngoe ea tse khabane.” Ho re, “E tla otlā inchi lijareteng tse mashohlano, lijareteng tse mashopeli-hlano, ke bolela, inchi lijareteng tse mashopeli-hlano.” Ho re, “Ke bokhabane boo u ka bo fumanang le ka mohla.”

²⁷ Ke ne ke tseba ho fapana. Ke tsebile lijareteng tse mashohlano nka totometsa lithakhi tse robeli ka kotloloho. Ka tseba hore seo se fosahetse. Joale, ho joalo. . . 'Me nke ke ka phomola pele ke se khutliša. Joale, se tla etsa ntho e tšoanang.

²⁸ Joale, ha ke e mong oa batho bana ba ratang ho otlā le ho hafatsa, “Kereke e rialo, ka hona ha re luleng le eona.” Haeba baapostola, ka Lentsoe la Molimo, ka melao ea Molimo, ka oona Moea o Halalelang oo re o fumaneng, ba totomelitse tekele pholisong ea Khalalelo, matleng a Molimo, haeba re ka e tiisetša, rea tseba e teng mono, ka hona ho tiisetša hofihlela re otlā botsekeng, ke phetho, hoba rea tseba e kile ea etsoa.

²⁹ Ho tla joang, “matsatsi a mehlolo a fetile,” le “Jesu Krešte eena maobane, kajeno, le kamehla”? Ho ka tla joang hore ebe Molimo o shoee athe o tsohile hape, le ho phela ka mehla le mehla? Re ka e fetola tumeloana joang, athe Molimo ha o na tumeloana?

30 Molimo ke Moperesone. Molimo o ahile ka har'a Kereke ea Oona, 'me lona le Kereke ea Oona. Haeba u tsoetsoe labobeli, le ho tlatsoa ka Moea o Halalelang, u Kereke ea Molimo. Molimo o ahile nthong ea hau. . . O etsa tabernakele le uena. Mohla o neng o theoaha, oa na oa etsoa nama oa aha hara rona, O ile a etsa'ng? O—O ile a sarolla tente ea Hae lipakeng hara bana ba batho. Oa—Oa fapoha moloho oa Oona ho tsoa ho Molimo ho ea ho motho ho fetoha, hore motho a tle a tsoane le Eèna. Oh, O fetohile 'na, hore ka mohau oa Hae ke tle ke fetohle Eèna.

31 Oh, ntho e khōlō hakakang. Re ke ke ra utloisisa seo e neng e le sona. Ha ho makatse ha batho ba hoo kajeno, “Molimo o kae?” Khutlelang Lentsoeng. Khutlelang tšimolohong.

32 Tšimolohong O boletse barutuo ba Hae, “E-eang ka lefatše lohle, le bolele Evangeli. Mehlole e tla tsamaea le ba lumelang ke eona ena.” E ne e le eona. Khutlela Lentsoeng lona leo 'me Le tla hlahisa ntho eona eo. Ba ile ba latela Lentsoe leo, 'me La otlala botsekeng 'me la totometsa lipekere. Sepeke se seng le se seng, tšepiso e 'ngoe le e 'ngoe eo Molimo o e entseng, e ile ea bonahatsoa.

33 Ha re ka khutlela Lentsoeng lona leo, Le tla nepa lithakete ka ho tsoanang, ho etsa mehlole e tsoanang, ho etsa lintho tse tsoanang, ho hlahisa bophelo bo tsoanang, ho etsa sebopuo ea se tsoanang, ho tsosa bafu, ho folisa bakuli, ho leleka matemona, ho bona lipono, ho porofeta. Ke eona Evangeli e ileng ea totometsa tekele mohlang oo, ha re ka khutlela ho eona.

34 Joalo ka, ho khutlisetsa sethunya maemong a tsoanang le a pele, ho thothomela hohle ho tsoile ho sona, se tla thunya tholoana eo botsekeng hantle. 'Me ha re ka honysa lithothomelo tsohle tsa ho se lumele ka ho rōna, Lentsoe la Molimo le tla ema botsekeng hantle feela joaloka qalong. Ke hantle haholo. Le tla otlala botsekeng nako le nako. Le entse hang; Le tla e etsa hape. U se ke ua khotsofalla tumeloana kapa ho hong. Lula hantle mono hofihlela Lentsoe le ema botsekeng.

35 E nkhopotsa mohla 'mè le ntate, kapa, ntata rōna ea holisitseng Morena oa rōna Jesu a Mo isitse moketeng oa Pentekosta. 'Me ba tsamaile leeto la matsatsi a mararō, 'me—'me qetellong ba Mo fihlela a le sieo. Ha ba—ha ba Mo fumana.

36 Kereke e tsamaile ka eona tsela eo joale. E se e tsamaile ho feta. . . e tsamaile leeto la lilemo tse ka bang likete tse peli, 'me ha e a Mo fumana. Ke ena moo e leng teng. Lipontšo li tsa ho Khutla ha Hae li hohle, 'me ba re, “Molimo o kae? Molimo o kae? Ho etsahetse'ng ka Eèna?”

37 Na le lemohile? Maria le Josefa ba Mo batlile bathong ba habo bona, empa ha ba ka ba Mo fumana. Kajeno re khutlela ho bona haeba Mamethodise e Mo tsoere, Mabaptise a Mo tsoere, Mapresbeteriene, kapa Maluthere. Che, monghali, ha ba ka ba Mo fumana. Le kajeno re ke ke ra Mo fumana. Ho sa tsotelehe

re leka ka thata hakae ho khutla le ho hlahloba bo bong ba malumeli ao a khale, a shoeleng, re ke ke ra khona le ka mohla.

³⁸ Ba Mo fumane kae? Moo ba Mo siileng. Allelua! Kea kholoa ke mohalaleli-mothethehi; kea kholoa ke eena. U tla Mo fumana joaloka ha ba entse: moo ba Mo siileng. Moo ba Mo siileng, ke hona moo ba Mo fumaneng teng. Ke hona moo kereke e tla Mo fumana teng.

³⁹ Ba Mo siile kae? Mocketeng oa Pentekosta. Kereke e tla Mo fumana kae? Morao mocketeng oa Pentekosta, moo ba Mo siileng mohla ba neng ba ikhula thutong ea baapostola le joalo-joalo. Morao koana mengoaheng eo ea pele morao mono, ba ile ba ikhula ho eona 'me ba bopa litumeloana tsa bona, le ho qala thuto ea Banikola, ho bopa kereke ea Katolike, ho hlophisa borapeli ba—ba ntho e bitsoang bolumeli ba Bokreste. 'Me ho tloha moo ba hlophisitse, 'me ba pshatlile lintho, 'me ba kentse Bakreste bohle litumeloaneng, le lintho tse joalo, le ho e tsoaka eohle ho fihlela e le pherekano eo A e fumaneng mohla A neng a fihla. Ke eona hantle.

⁴⁰ Morao tšimolohong moo re Mo siileng, mohla A neng a le matla, mohla A neng a tsosa bafu, le ho folisa bakuli, le ho leleka batemona; ke hantle morao tšimolohong, moo re Mo siileng.

⁴¹ Ba re, "O kae? Na O ho Mamethodise? Na O ho Mabaptise?" Kapa esita, "Na O na le Mopentekosta?" Che, monghali. Khutlela qal- . . . e seng mokhatlong oa Pentekosta, bolumeli ba Pentekosta, leo ke lebitso. Ke mang ea ka hlophisang Pentekosta? Mpolelle. Pentekosta ha se mokhatlo. Pentekosta ke boiphihlelo ba molumeli ea batlang ho bo amohela. Morao boiphihlelong, e seng morao mokhatlong, empa morao boiphihlelong. Pentekosta ke boiphihlelo.

⁴² E reng ke le bolelle taba. Shebang tholoana eo likereke tsa Pentekosta li e beang kajeno, u tla fumana hore ha lia qala qalong: ba pheha khang, ba kolokochana, ba hlanamisana, ba hulela *sená*, 'me ba hulela *sane*. Jesu o boletse ho Johanne 14, kapa Johanne 15, "Ke 'na sefate sa Morara, lona le makala." Na ho joalo?

⁴³ Joale, lōna lihoai, lōna batho ba Texans, Louisianans, le seo le ka bang sona mona, mang le mang ea nang le kelello e pholileng, ea kileng a bona morara o mela, o tsebile hobane morara ha o behe tholoana. Makala a morara ke oona a beang tholoana, empa a fumana bophelo ba oona morareng. Jesu ke mohloli oa rona oa Bophelo. E, monghali. Joale, re tla elelloa, ke hona, haeba Jesu e le mohloli oa Bophelo ba rōna, e tla ba Ke Morara oa 'nete. Bona bophelo bo ka hara morara bo ka hara lekala. 'Me ekare ha morara oo o hlahisa lekala la pele, 'me lekala leo ke, lesihla la merara le mela ho lona, ha le ka hlahisa lekala le leng, e tla ba lesihla la merara. Le tla bea lekala le leng, e tla ba

lesihla la merara. 'Me e tla ba lekala la mofuta oo ho isa qetellong ea morara. Oho Molimo.

Joale ke hloka halofo ea hora; ho itokisetsa ho e otlala feela. Amen.

⁴⁴ Nako le nako ha morara oo o hlalaha lekala, le tla tšoana le lekala la pele. Hobaneng? Hobane bophelo bo kahara morara bo tla hlalaha lekala la mofuta o tšoanang. Haeba sefate sa morara sa pele se hlalositse morara, se latelang se ke ke sa hlalaha maphutšē. Le latelang le ke ke la tlisa litholoana tsa sitrase. 'Me ebe, ka mora nakoana, ho theoha joalo, e ke ke ea e etsa.

⁴⁵ Ha Morara oa 'nete o hlalaha lekala, 'me ha . . . Jesu e le Lekala la pele, kapa, Morara. 'Me lekala la pele le behileng, ba ngotse Buka ea Liketso ka mora lona. Ho joalo? Kereke ea Pentekosta, kereke ea 'nete ea Pentekosta, 'me e ngotse Buka ea Liketso, ka mehlolo le meeka e latelang molumeli. Ekare ha Morara oo oa 'nete o hlalaha lekala le leng la 'nete, ba tla ngola buka ea Liketso ka mora lona. E, monghali.

⁴⁶ Mona Arizona nakoana e fetileng, ke ne ke shebile sefate ka jareteng ea monna: sefate sa siterase. Se behile mofuta e robong ea tholoana sefateng se le seng. E ne e le sona. E 'ngoe le e 'ngoe e le tholoana e fapaneng. E ne e le sefate sa lamunu le ho qaleng, empa se ne se behile ligaranata; se ne se ena—ena le lilemone; se ne se ena le grapefruti; mofuta eohle ea tholoana ea sitrase. Hobaneng? Li ne li hlomiloe ka mono. Li ne li phela ka bophelo ba sefate seo, empa li sa khone ho hlalaha letho haese seo li neng li le sona. Li sitiloe ho hlalaha lilamunu, hobane ke morara o entetsoeng. Empa nako le nako ha sefate seo se hlalaha lekala la 'nete ho sona, e ne e le sefate sa lamunu, 'me se bea lilamunu.

⁴⁷ Ho joalo le kajeno. Re entetse Methodise, Baptise, Presbeteriene merara kahara Morara oa 'nete, 'me re phela ka matla a Oona. Empa le ke ke la beha letho haese litumeloana le phutheho tsa bolumeli. Empa ha Morara oo o ka hlalaha lekala le leng, o tla be o sa khethe nku ka pere, o natlafalitsoe ka Moea o Halalelang, joaloka ha ho etsahetse ka Letsatsi la—la Pentekosta; morao tšimolohong. Amen.

Ke mpe ke khaotse. Amen.

⁴⁸ Ekare ha Morara oo o hlalaha lekala le leng, le tla itšoanela le tšimolohong. Re entela litumeloana tsa mofuta eohle tsa kereke ho eona: Baptise, Methodise, Pentekosta, Presbeteriene, Lutherane, Baptise; 'me e 'ngoe le e 'ngoe e beha tholoana ea Baptise, tholoana ea Methodise, tholoana ea Pentekosta, le ntho eohle esele. Empa ha e khutla, ha Morara oo o ka hlalaha lekala le leng la 'nete, le tla bea tholoana ea Moea o Halalelang. Amen. Le tla . . .

Ba re, “Be, re Mamethodise.”

“Tšimolohong ho no ho se joalo.”

“Re Mabaptise.”

“Tšimolohong ho no ho se joalo.”

“Re Mopresbeteriene.”

“Tšimolohong ho no ho se joalo.”

“Ha re lumele ho bua ka lipuo.”

“Tšimolohong ho no ho se joalo.”

“Ha re lumele pholiso ea Khalalelo kerekeng ea rōna.”

“Tšimolohong ho ne ho se joalo.” Allelua! Seo re se hlokang kajeno ke ntho e khutlelang tšimolohong hape, morao tšimolohong. Allelua!


Nako ea ka e felile. Ha re rapeleng.

⁴⁹ Morena Jesu, oh, nke ke phelele ho bona mohla kereke e khutlelang tšimolohong. Aba sena, Morena. Tlatsa tulonyana ena hoseng hona. Natlafatsa molisanyana enoa mona, Morena, le ba bang bana. Re fe khanya ea Hau. Re fe mohau oa Hau. Re fe tšebeletso mona, Morena.

⁵⁰ Ha re lebaleng ka lintho tse ling re khutlele tšimolohong, hoba re a tseba Mong’a rona o bua lipelong tsa rona hoseng hona, “Hlaola merara ena e entetsoeng mono. Ikheteng ho se lumeleng. Khutlelang morao tšimolohong. Ke hona moo e neng e le teng.” ’Me, Morena, re batla ntho e ’ngoe le e ’ngoe e le joalo ho tloha tšimolohong.

⁵¹ Morena, e re boiphihlelo ba rona, haeba re eso bo fumane ho fihlela hoseng hona. . . Ha ho ena le motho ea lutseng mona ea eso fumane boiphihlelo boo ba Moea oa tšimoloho, le ho fumana oona Moea o tšolohileng tšimolohong, hobaneng re ka nka phapanyetso? Ke hobane’ng ha re lokela ho nka ntho ea bohlaya? Hobaneng re ka nka tumeloana e itseng e hlahafetseng, e batang, e fofo, e monyemo, athe lipakapaka tsa Pentekosta li tletse sengoloa sa makhonthe sa mannete? Hobaneng u amohela phapanyetso?

⁵² Morena, a re khutlelang tšimolohong, ’me re e amohele joaloka ha ba entse tšimolohong, ’me ba na le mesebetsi e tšoanang, le lipontšo, le meeka, tse behang litholoana tse tšoanang: lerato, thabo, khotso, mamello, molemo, bonolo, mosa, tiisetso. Molimo aba sena. Re utloe, Ntate, hoba re nehela kerekana ena le tsoseletso ena ho Uena letsohong la Hau, ka Lebitso la Jesu Krete. Amen.

Molimo a le hlohonolofatse. Ha ke batle ho matha, empa ke ka morao ho leshome le motso o mong joale. Ke tla u bona bosiueng bona. Kea leboha. . . 

61-0119M Lintho Tse Neng Li
Se Joalo Ho Tloha Tšimolohong
American Legion Hall
Beaumont, Texas U.S.A.

SOUTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka printara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlalisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org